

2. Ղազարյան

Մ. ՄԱՄՈՒՐՅԱՆԻ ՀԱՍԱՐԱԿԱԿԱՆ-ՔԱՂԱՔԱԿԱՆ ՀԱՅԱՑՔՆԵՐԸ
1860—1870-ԱԿԱՆ ԹԹ.

Քննության առնելով արևմտահայ դեմոկրատ Մ. Մամուրյանի հասարակական-քաղաքական հայացքները, մենք բնավ հավակնություն չունենք կարծելու, թե սույն հոդվածով սպառիչ բնութագրում տված կլինենք հակասություններով լի մի հրապարակախոսի գործունեությանը, որը սկսվելով 1860-ական թվականներից, անցել է զարգացման տարբեր աստիճաններ, կատարելով զիզ-զազներ՝ մերթ առաջընթաց, մերթ հետընթաց՝ ազատագրական շարժման ընդհանուր հորձանքի մեջ:

Մեր նպատակն է ծանոթացնել հրապարակախոսի առաջին շրջանի՝ 1860-ական թվականների գործունեությանը, որը անխզելիորեն կապված է արևմտահայ առաջադիմական այն գրողների ու հրապարակախոսների անունների հետ, որոնք համախմբվելով «Մեղու», «Մյունատի», «Ծաղիկ» պարբերականների շուրջը, սկզբունքային պայքար են ծավալել ռեակցիոն և պահպանողական գաղափարախոսության դեմ, կատարել են կրթական ու լուսավորական խոշոր աշխատանք և իրենց արժանավոր տեղն ունեն ինչպես հայ հասարակական մտքի զարգացման պատմության մեջ, այնպես էլ ազգային ազատագրական պայքարի գաղափարախոսության տարածման գործում:

Մատթեոս Մամուրյանը ինքնատիպ մտածող է: Ժամանակի ռադիկալ դեմոկրատ գործիչներ՝ Հ. Սվաճյանի, Կ. Փանոսյանի և այլոց նման նա իրեն ազատակամ նվիրել է հայ ժողովրդի ազատագրական պայքարի գործին: Հայ ժողովրդի ազատագրման գործում նա կոչ էր անում համախմբվել և սեփական ուժերով, կազմակերպված պայքարի դուրս գալ սուլթանիզմի դեմ:

Մամուրյանը հրաժարվում էր եվրոպական մեծ պետությունների օգնությունից, քննադատում նրանց կեղծ քաղաքականությունը, որոնք արտաքուստ ցույց էին տալիս, թե ժողովուրդների ազատագրմանը օգնում են, մինչդեռ իրականում դեմ էին ամեն մի ազատագրական ու ռեուլյուցիոն շարժմանը:

«Մեծ պետությանց մեջ, — գրում է Մամուրյանը, — ազգերը դեռ իրենց ճակատագրին տերը չեն և կնճռոտ քաղաքականության մը ծուղակն ընկած են: Այս քաղաքականությունը հանրազգային իրավանց, ճնշյալ ժողովրդոց պաշտպանության և ազատության, հարստահարությանց բարձման խոշոր, խոշոր բառերով ասպարեզ կիջնե... մեկ ձեռնով խաղաղության ձիթենիի ոստ բռնած է, մյուս ձեռնով դյուրավառ խնդիրներու վրա վառող կցանե...: Այստեղ կարձակե ստրուկը, այնտեղ զանի կկապե ու կկեղեքե, տեղ մը ազատություն կբաշխե, ուրիշ տեղ շղթաներ կդարբենե, վասն զի ժողովուրդները դեռ իրենց ճշմարիտ շահուց անտեղյակ են, թույլ կտան, որ կառավարությունները զիրենք պատրեն և խրենց անվամբ անիրավություն և բռնություն գործեն: Եվրոպա իր բնական կայանը դեռ չգտավ...»¹:

¹ «Արևելյան մամուլ», հունվար, 1876, էջ 28:

Բեռլինի, 1878 թ. կոնգրեսի, հայկական հարցի զարգացման շրջանում Մամուրյանը չկարողացավ հասկանալ այդ հարցի զարգացման ներքին ու արտաքին շարժառիթները, ուստի և ի վիճակի չեղավ ճիշտ ուղիներ նշել նրա լուծման համար:

1870-ական թվականների վերջերից Մամուրյանի մոտ հանդես է գալիս անհետևողականություն և որոշակի նահանջ դեմոկրատական դիրքերից, սակայն այդ բնավ չի նսեմացնում առաջին շրջանում նրա կատարած դրական գործունեությունը, որը ծառայեցվում էր ժողովրդի ազատագրման ու բարօրության գործին, և դրանով իսկ հրապարակախոսի համար իրավունք նվաճում դասվելու արևմտահայ դեմոկրատների շարքերում:

* * *

Մատթևոս Մամուրյանը ծնվել է 1830 թ. Զմյուռնիայում: Սկզբնական կրթությունը ստացել է հայրենի քաղաքում՝ Մեսրոպյան վարժարանում: Ավարտելով վարժարանը, մի խումբ աշակերտների հետ, մեկնել է Փարիզ, սովորել ու ավարտել Մուրատյան վարժարանը՝ 1850 թ.:

Ավարտելով Մուրատյան վարժարանը, Մամուրյանը վերադառնում է Զմյուռնիա և որպես ուսուցիչ պաշտոնավարում Մեսրոպյան վարժարանում: Նրա հետաքրքրության շրջանակները գնալով լայնանում են: Եվրոպական կրթության տեր ապագա հրապարակախոսը, պոլսահայ ամիրա Մկրտիչ Ծիզրանյանի առևտրական գործը կարգավորելու պատրվակով մեկնում է Անգլիա և ունկնդրում Քեմբրիջի համալսարանի դասախոսությունները: Լոնդոնում երկու տարի մնալով հրապարակախոսը ծանոթանում է Բայրոնի, Ռոբերտ Սուենի և այլ հեղինակների ստեղծագործություններին:

1858 թ. Լոնդոնում եղած ժամանակ Մամուրյանը սկսում է շարադրել նամակագրական բնույթ կրող, սիրավիպային արտաքինով քողարկված, բայց իր քաղաքական հայացքների կրեդոն հանդիսացող «Անգղիական նամականի» աշխատությունը, որի առանձին կտորները սկզբում տպագրվեցին «Մադիկ», «Կիլիկիա» և «Կոունկ Հայոց աշխարհին» պարբերականներում:

Նա մասնակցում է Պոլսում մղվող սահմանադրական պայքարին և դառնում 1860 թ. հիմնադրված «Բարեգործական ընկերության» անդամ: Մամուրյանը 1861—65 թթ. Պոլսի պատրիարքարանում դիվանապետի պաշտոն է վարում: 1865 թ., հոր մահվան պատճառով մեկնում է Զմյուռնիա, ապա 1866 թ. վերադառնալով Պոլիս, իր գործերը հանձնում է և իսպառ հեռանում Պոլսից:

1866—1901 թթ. նա վարել է Զմյուռնիայի Մեսրոպյան վարժարանում անսուչի, տարբեր վարժարաններում ուսուցչի պաշտոններ, միաժամանակ զբաղվելով հրապարակախոսությամբ ու թարգմանություններով: 1870—1901 թթ. խմբագրել է «Արևելյան մամուլ» պարբերականը:

Մամուրյանը թողել է թարգմանական և ինքնուրույն բազմաթիվ գործեր: Նրա արժեքավոր աշխատություններն են «Հայկական նամականի», «Անգղիական նամականի կամ հայու մը ճակատագիրը», «Պատմություն ընդհանուր հին և միջին դարերուն», «Սև լեռին մարդը»: Բացի դրանից գրել է «Վեպեր ու դասեր տղայոց համար», «Բանալի հայերեն շարադրության», «Նոր ընթերցարան տղայոց համար», «Մանր վեպեր», «Համառոտ պատմություն հայոց մինչև մեր օրերը», որոնք դիտական կամ գրական մեծ արժեք չեն ներկայացնում, բայց աշխատես խոշոր դեր են խաղացել ազգի մեջ լուսավորություն և կրթություն

տարածելու գործում: Այգ գործերից շատերը երկար ժամանակ կատարել են ձեռնարկների գեր:

Նա թարգմանել է «Առողջապահություն աղջկանց համար», «Իրավաբանություն», «Հիշատակ սիպերեականի մը», «Առողջաբանության տարերք», «Հազար ու մի գիշերներ», էժեն Սյուրի, Ժյուլ Վեռնի, Գյոթեի, Շանֆլեորի, Բոմարշեի, Վոլտերի, Ա. Դյումայի, Մերվելի և այլոց մի շարք երկերը¹:

Մամուլյանը պատկանում էր «Բարեգործական»-ի այն անգամների թվին, որոնք մտահոգվում էին երկրում՝ բուն Արևմտյան Հայաստանում երկրագործության զարգացման գործով: Սակայն նրա ծրագրերը չէին սահմանափակվում միայն Կիլիկիայով, ինչպես Ծերենցի և «Բարեգործական»-ի մյուս անգամների, կամ Արևմտյան Հայաստանով, այլ վերաբերում էին նաև «Այրարատյան նահանգին», Կովկասյան Հայաստանին: Մամուլյանը գիտակցում էր, որ «Մարդկային երջանկությունը նյութական միջոցներով կարելի է ապահովել»², իսկ նյութական միջոցներ հայթայթվում են երկրագործությամբ, որն «...ամեն հարստությանց զարգացման կեդրոնն ու պայմանն»³ է:

Մամուլյանը երկրագործության զարգացման համար պահանջում էր ազգի հարստությունը կենտրոնացնել բուն Հայաստանում և այն օգտագործել ոչ թե օտար երկրներ ծաղկեցնելու համար, այլ Հայաստանի ծաղկման ու բարգավաճման համար:

Նրկրագործությունից բացի հրապարակախոսը պահանջում էր զարկ տալ ազգային վաճառականությանը: Ի տարբերություն կոմպրադորական բուրժուազիայի իդեոլոգների, Մամուլյանը պահանջում էր ստեղծել «կանոնավոր վաճառականություն», որի զարգացման համար անհրաժեշտ էր լուսավորություն, առևտրական ու տնտեսական գիտություն, հատկապես մեքենայական արտադրություն:

Տեսնելով կապիտալիզմի զարգացման փաստը Եվրոպայում և նրա աստիճանական ներթափանցումը Թուրքիա, Մամուլյանը պայքարում էր, որպեսզի հայ ազգը կանգնի կապիտալիզմի զարգացման ուղու վրա, ապահովի նրա անկախությունն օտար կապիտալից. «...և եթե հանկարծ անիվ և շոգի գործածվին այստեղ, այն ժամանակ պիտի անգործ մեռնին և կամ ուրիշ գործոց պարապին. իսկ իրենց դրամագլուխը, որ է իրենց պնդակազմ կոնակը կամ կորովի ձեռները, շատ բանի չեն ծառայեր քաղաքակիրթ ազգաց մեջ»⁴, — գրում է Մամուլյանը:

Մամուլյանը նշավակում էր արևմտահայ կոմպրադորական բուրժուազիային, որը հաջողություններ ձեռք բերելով Անգլիայի, Ֆրանսիայի, Ամերիկայի առևտրական շուկաներում, երկրի ներքին կյանքի զարգացման մասին չէր մտածում:

Նա պահանջում էր երկրի ներսում ստեղծել գործարաններ, առևտրական ընկերություններ, սեղանատներ և զարկ տալ ազգային վաճառականությանը՝ առևտրին ու արհեստագործությանը, մանավանդ որ ենիշերիների վերացումից և թանգիմաթի Քրենքներից հետո Թուրքիայում որոշ պայմաններ էին ստեղծվել ազատ առևտրի զարգացման համար:

¹ «Բագմավեպ», 17 հոկտեմբերի, 1899, էջ 493 (գրված Մ. Մամուլյանի 50-ամյա հորեյանի առթիվ):

² Մ. Մամուլյան, Անգլիական նամականի կամ հայու մը ճակատագիրը, Զմյուռնիա, 1880:

³ «Կոռունկ Հայոց աշխարհին», 1860, էջ 422:

⁴ Անգլիական նամականի, էջ 157:

Մամուրյանը խորհուրդ էր տալիս տնտեսությունը կապիտալիստական հարարերությունների զարգացման ուղիներով տանելու համար օգտագործել Լվրոպական առաջավոր տնտեսագետներ Ադամ Սմիտի, Սեյի և այլոց տնտեսագիտական ուսմունքները¹։

Արևմտյան Հայաստանում կառուցվելիք գործարանները հեղաշրջում կմտցնեին ոչ միայն երկրի տնտեսական կյանքում և նրա հետ կապված հասարակական հարարերությունների մեջ, այլև մարդկանց բուն իսկ գիտակցության մեջ։

«Բարեկամ մեքենականություն, այս է մեր դարուն նշանաբանը, կը գրե անվանի հեղինակ մը, որու բրած տպավորությունը իմ վրա պիտի հաղորդեմ քեզ։ Աչքդ որ կողմը դարձնես ուրիշ բան չես տեսներ հիմակ՝ այլ միայն մեքենա։ Հեռուները պտտելու տեղ՝ մեր շորս դին նայինք, մեր ժամանակին պիտույքն ու ձգտումները քնենք, թերևս դաս մը քաղենք... Սահման չունի մեքենագիտությունն, և ով գիտե ասպազային մեջ ինչ նոր նոր հորիզոններ պիտի բանա մարդուս առջև»², ավելացնում է. «Ուրեմն մեքենան մեր կենաց բոլոր պայմանները կփոխե, ոչ միայն մեր գործելու եղանակն, այլև մեր միտքն ու զգացմունքը»³։

Մամուրյանը ճիշտ էր հասկացել բուրժուական հարարերությունների, մեքենայական արտադրության պրոգրեսիվ նշանակությունը երկրի էկոնոմիկայի զարգացման բնագավառում։ Սակայն նա սոսկ չէր գովարանում կապիտալիզմը։ Նա ցույց էր տալիս կապիտալիզմի՝ մարդկությանը, հատկապես արևմտահայությանը հասցրած աղետներն ու շարիքները։ Արտահայտելով ժողովրդի շահերը, Մամուրյանը խիստ քննադատության ենթարկեց կապիտալիզմի բացասական կողմերը, ցույց տվեց Լվրոպական քաղաքակրթության իսկական էությունը։

Մամուրյանը կարողացավ նկատել, որ կապիտալիստական հարարերությունների զարգացումը դասակարգային շերտավորումն ավելի է խորացնում։ Անհավասար բաշխման հետևանքով հարստությունը կենտրոնանում է փոքր թվով մարդկանց ձեռքին, իսկ միլիոնավոր աշխատավորներ ենթարկվում են ունեղրկման, դրանով իսկ ստեղծում անդունդ՝ հարուստների ու աղքատների միջև։

«Րնկերական դրության մեջ ի՞նչ փոփոխություն կրերե այս նոր դրությունն,— դրում է Մամուրյանը,— ինչպե՞ս օրեօր կավելանա հարստությունն ու հետզհետե այլև այլ խումբերու մեջ կղիղվի, հին հարարերությունները կըխանդարե, հարուստին և աղքատին մեջ ի՞նչ մեծ վիհ մը կը բանա, տնտեսագետին ուշադրության արժանի խնդիր մե»⁴։

Մամուրյանը քննադատում է կապիտալիստական հասարակության մեխանիզմը, որտեղ բանվորի քրտինքը դառնում է կապիտալիստի դիզած հարստության անսպառ աղբյուրը։

«Բանվորի քրտինքը, հարուստին դրամատերին արյունն է՝ որով կկենդանանա։ Ես չեմ կարծեր որ Բրուտոն և Լ. Պլան, և ուրիշ ընկերահաշտական հեղինակներ, բոլորովին անիրավ են, երբ գործավորին ծանր վիճակին և կրած

¹ Տե՛ս Ա. Դ. Հովհաննիսյան, Նալբանդյանը և նրա ժամանակը, հատ. 1, 1955, էջ 489։

² Անդլիական նամականի, էջ 155—156։

³ Նույն տեղում, էջ 159։

⁴ Նույն տեղում, էջ 157։

օրինական հարստահարության վրա կճառեն: Նորաձև տնտեսագիտություն մը, պայմանական օրենքներ կտիրեն՝ իրանց բնական, արդար ընթացքը վրդովելու և թշվառությանց գումարն ավելացնելու»¹:

Մամուրյանը Անգլիայի օրինակով մերկացնում է եվրոպական «քաղաքակրթությունը», դրելով. «Արդի ազնվականը հին ամուր գղեակին մեջ նստած զրահապատ ասպետին որդին է, որ լորտերու ժողովին մեջ ունի աթոռ մը, որ իր արժանավորության տրիտուրը չէ, արդի գործավորն միջին գարու ստրուկ է, որ քաղաքակրթության անապատին մեջ տեսակ մը վայրենի՝ ոչ տուն, ոչ իրավունք, ոչ քվե, ոչ արև ունի և երկրին վրա թիվ մը տեղ չգտնելով՝ կիջնե անոր անդնդային հատակն ու շատ անգամ ածխահանքեն իր հացը մուրալու ատեն կայրի, կխեղդվի և դիակն անգամ անհետ կլինի»²:

Նա քննադատում է բուրժուական ընտրական սխտեմը, որտեղ միայն քվեարկության ժամանակ «ժողովուրդը վեհապետ կհռչակվի», իսկ իրականում ոսկին է տիրապետում քվեատուփին³ վրա:

Նշավակելով եվրոպական քաղաքակրթությունը, ցույց է տալիս նրա հակասությունները, ավելի ճիշտ սոցիալական հակամարտությունները, որոնք դասակարգային համերաշխություն քարոզող «քաղաքակրթիչների» կողմից սքողվում են: «Սատանա և հրեշտակը, խավար և լույսը, ավելորդապաշտություն և բանականություն, գերբնական և բնական, այս երկու բաներ թեև ի բնի իրարու հետ շուն ու կատու են, սակայն արդի քաղաքակրթությունը կուզե, որ իրը եղբայր ու քույր քովե քով գահակալին...: Սքանչելի քաղաքակրթություն»⁴:

Այսպիսով, Մամուրյանը ընդունելով կապիտալիզմի զարգացման առաջադիմական բնույթը, վեր է հանում նրա բացասական հետևանքները աշխատավոր ժողովրդի համար:

Դիմակազերծ անելով եվրոպական «քաղաքակրթիչներին», Մամուրյանը չի վարանում ցույց տալու հայ ժողովրդի՝ ներքին և արտաքին թշնամիների երեսից կրած սոցիալական ու ազգային ճնշումներն ու հալածանքները: «Հայ գյուղացին կհարստահարե ներսեն ու դրսեն, կհեծեծե, կլա, բայց որմե խնդրե արդարություն: Իր դատավորն է հարստահարիչն, որու փաստաբան կանգնի, իր ապաշնորհ հայրենակցին, որպեսզի փոխ տրված դրամը չկորուսե»⁵:

Մամուրյանը բացահայտ քողոքում է ամիրանների ու սեղանավորների սոցիալական հարստահարությունների դեմ, որոնք գործիք դառնալով թուրքական փաշաների ձեռքին, հարկերի ու վաշխառության միջոցներով ազդից կորզում էին նրա աշխատանքով ստեղծված հարստության գերակշռող մասը: «Պոլսի մեծատունները, — գրում է Մամուրյանը, — որ ամիրա կկոչվին, Տաճիկ փաշաներու հետ, որոց սեղանավորներն են, Հայաստանը կկեղեքեն, իրենց շահուն համար: ...Հայ դրամատերին գանձուն աղբյուրը Հայաստանցիին համարանոցն է, որու վրա տասնորդի Ա այլ տուրքե դատ կգրվի նաև փաշաներու ըրած փոխառության տոկոսի բաբը ի բաբը տուրքը, եթե այսպես ներելի է խոսել»⁶:

¹ Անգլիական նամականի, էջ 255:

² Նույն տեղում, էջ 151—152:

³ Նույն տեղում, էջ 253:

⁴ Վրույր (Մ. Մամուրյան), Հայկական նամականի, Զմյուռնիա 1872, էջ 101:

⁵ Անգլիական նամականի, էջ 267:

⁶ Նույն տեղում, էջ 266—267:

Մամուրյանը բողոքելով այդ հարստահարությունների դեմ, գրում է, որ ժողովուրդը որքան իր գլուխը թեքի, այնքան կճգմվի հարուստների կողմից, որովհետև «Մեծ ձուկը սլզտիկը կկլե»։ Պատրիարքն ու ամիրան կճգմեն վարդապետին ու ցածր պաշտոնյային, նրանք էլ իրենց ստորադրյալներին, իսկ սրանք բոլորը «ռամիկ ժողովուրդը», որը եթե համարձակվի ձայն հանել, «...իսկույն անոր աչքին կցուցնեն դժոխքն ու թուրքի լախտն ու լուծյան կդատապարտեն, այնպես որ կարծես թե այս տեղ ու գավառները հայք հետին ծայր խաղաղ, անդորր ու հանգիստ կյանք մը կվայելեն, թեև ներքուստ կտառապին, կմաշին, կուլան և իրենց արտասուքը լռելայն կուլ կտան»¹։

Մամուրյանը անարգանքի սյունին է գամում հայ հարուստներին ու մեծատուններին, որոնք ոսկի դիդելու անհագ տենչով արյունաքամ են անում հայ աշխատավոր գյուղացուն։ Եթե արևմտահայ դեմոկրատական ինտելիգենցիան մտածում է ազգի դրության վերափոխման մասին, իր «գրիչը, գլուխը և հոգին» զոհում է ժողովրդի առաջադիմության համար, ապա «Հայ մեծատունն իր ամբարտավանությամբ ղթշվառ և տրտում հայը կնախատե»²։

Նկարագրելով ազգի թշվառ վիճակը, նա առաջարկում է վերափոխել երկրի տնտեսությունը, օգտագործել նրա բնական անսպառ հարստությունները, ծաղկեցնել երկիրը, ջրանցքներ բանալ, հիմնել արհեստագործական դպրոցներ, դաստիարակել մարդկանց քաղաքակրթության ոգով։ «Պետք է որ երկաթը, շոգին, էլեկտրական հեղուկը կենդանություն ու շարժում տան այս անշունչ և փշալից բնությանը», — գրում է Մամուրյանը։

Մամուրյանը ծանոթ լինելով եվրոպական տնտեսագետների ստեղծած ուսմունքին, տուրք տալով բուրժուական տնտեսագիտական մտքին, բազմաթիվ առիթներով ծրագրեր էր կազմում Հայաստանի տնտեսության վերափոխման մասին։

Հայաստանում պատմական որոշ ժամանակաշրջանից հետո կկատարվեն հսկայական տեղաշարժեր, երկիրը «փշալի անապատից» կվերածվի «ծաղկած բուրաստանի»։ Կգա մի օր, և այդ օրը հեռու չէ, գրում է Մամուրյանը, երբ «...այս մեր կոխած հողը մեզ ավելի հունձք պիտի տա, այն օրն որ սա ջրվեժն ու հողն մեզի ավելի ալյուր պիտի տան, այն օրն որ սա գետակը ջրանցքի ձևով ճյուղեր արձակած իր մեջ բեռնաբարձ նավերու երևակայություն պիտի տեսնե, մեքենան անբան հայաստանցիին տեղը պիտի բռնե, այս բլրակեն արծաթ ու ոսկի պիտի թափին, այս սև քարերեն հուր պիտի ժայթքին, այս մետաղներեն գործիք, հրազեն ու վառոդ պիտի ձևանան, այս կենդանիներն ու բույսերն մեզի կտավ, կերպաս ու մետաքս պիտի հայթայթեն, այս լեռներն ու բլրակներն շոգի պիտի փչեն... հարթ ուղիներն ու շնչավոր թելեր քաղաքներն գյուղերուն հետ և դադափարներն զգացումներու հետ պիտի կապեն, այս գլուխներեն ու սիրտներեն ադատության, արդարասիրության ու հայրենասիրության ոգին ու զգացմունքը բուրելով, միություն, աշխատակցություն և հոսանք մը պիտի հաստատեն կենդանության, լուսո և իմացական զարգացման կարոտ հողերուն և բնիկներուն մեջ։ Այն օրն պիտի համարձակինք ըսել, որ... Հայաստանի ջրերն ու քարերը, հովիտներն ու անտառները և բոլոր թափուն հարստությունները

¹ Անգլիական նամականի, էջ 184։

² Հայկական նամականի, էջ 90։

շարժման մեջ կգտնվին և մեծ ապագայի մը ստանձնված անկյալ ժողովուրդ մը կը վերականգնեն»¹։

Նա առաջարկում էր «հարմար տափարակ ու անցուկ տեղերը քամվեյնելու երկաթուղիներ շինել, երկաթի գործարաններ, արհեստանոցներ հաստատել... գլխավոր քաղաքներու մեջ դպրոցներ, տպարաններ, թերթեր հիմնել, գյուղերու մեջ վարժարաններ բանալ...»²։

Տնտեսական, ժամանակի իմաստով, «այս հսկա հեղափոխության» իրականացման համար Մամուրյանը սլահանջում էր «աշխատություն, հարատևություն և միություն»³։

Այս ծրագրերը պետք է իրագործվեին ոչ շուտ, քան մի հիսնամյակում, («հարատևություն»), որի իրականացման համար սլահանջվում էր, «ազգին բոլոր դասերուն», եկեղեցականների, դասատուների, գիտնականների, մեքենագործների, արհեստավորների, բանվորների, մշակների, մեծատունների, դրամատերերի («միություն») երկարատև, քրտնաջան՝ կամավոր սկզբունքով, շահագործումից զերծ ֆիզիկական ու մտավոր աշխատանք («աշխատություն»)՝

եթե «Անգլիական նամականի»-ում ստեղծած ծրագիրը, որը համարյա նույնն էր, պետք է կենսագործեր Ներսեսը («Անգլիական նամականի»-ի հերոսը) իրեն ընձենված անձնական հսկայական հարստության միջոցով⁴, ապա այստեղ գործը սլիտի կատարեր ամբողջ ազգը, հաշվի չառնելով նրա մեջ եղած սոցիալական հակամարտություններն ու դասակարգային շերտավորումը։

Այսպիսով Մամուրյանը հայ ժողովրդի տնտեսական դրության վերափոխման մասին առաջադրած իր սկզբունքներով ազդարարում էր բուրժուական հարաբերությունների մուտքը Հայաստանում, քննադատում նրանց բացասական՝ և դրվատում դրական կողմերը, հենց դրանով էլ կանգնում էր ռեֆորմիստական ոլլաթորմի վրա, որից զերծ չէին «Բարեգործական»-ի անդամակիցներ Պերենցը, Ա. Հայկունին և ուրիշները։ Սակայն, եթե տնտեսական հարցում նա բարեփոխությունների տեսակետի վրա էր, ապա նրա հարակից մյուս հարցերում, հատկապես ազգային ազատագրական շարժման հարցում, Մամուրյանը հարում էր ռադիկալ դեմոկրատներ Հ. Սվաճյանի, Կ. Փանոսյանի և այլոց տեսակետներին։ Մ. Մամուրյանի պաղափուրախոսության առանցքն էին կազմում ժամանակաշրջանի արևմտահայությանը հուզող ազգային ազատագրական սլայքարի հարցերը։ Նա «ներսի թշնամուց» սոսկալի էր համարում «դրսի թշնամուն»՝ սուլթանական կառավարությանը և սլայքարի մարտակոչ էր նետում ժողովրդական մասսաներին՝ ղինված ասլստամբուլյան միջոցով հայության ձեռքերը փրկելու դարավոր շղթաներից։

«Աղատությունը իմ կյանքս ու հավատս է, — գրում էր Մամուրյանը, — կանդոսանեմ զենքդ, ասի անվեհեր, մինչդեռ հրեշտակս սիրտ առ կգոչեր...»։ Մ. Մամուրյանը բողոքելով սուլթանական գրաքննչական օրենքների դեմ, գրում է. «Ազգին մեջ երկսլառակություն հարուցելու համար գրելու ազատու-

¹ Մ. Մամուրյան, Սև լեռին մարդը, Աթենք, 1932, էջ 302, համեմատիր «Արևելյան մամուլ», հունիս, 1877։

² «Արևելյան մամուլ», օգոստոս, 1878, էջ 139։

³ Նույն տեղում։

⁴ Նույն տեղում։

⁵ Անգլիական նամականի, էջ 194։

⁶ Հայկական նամականի, էջ 177։

թյուն կա — բայց որևէ ճշմարտություն պարզորեն գրելու ազատություն չկա: Ո՞վ կարգել է այս ազատությունը. — Անոնք որոնց վրա խոսելու ազատություն չունիմ... վասնզի Թյուրքաստան կգտնվիմ»¹:

Սուլթանիզմի ծանր ռեժիմի տիրապետության ներքո հրապարակախոսը կարողացել է համարձակ կերպով քննադատել սուլթանական ու ցարական կառավարություններին և հայ ժողովրդին մարտակոչ է նետել ազգային-քաղաքական շարժման համար: Մամուլյանը տեսնում է, որ «անտարակույս օրին մեկն, և այն օրն մոտալուտ է, փոթորիկը պիտի բրդի... ժողովուրդը պիտի կանգնի, և պիտի կանգնեն այն ստրուկ ժողովուրդներն, որ իզուր այժմ իրենց աչքը կդարձնեն մեր կողմեն, և միայն նուրբ շահասիրության հաշիվներ կտեսնեն»²:

Հրապարակախոսը հայրենասիրական պաթոսով նկարագրում է հայերի այն աղետալի գրությունը, որի մեջ ապրում և խեղանդամվում են սուլթանական կառավարության ձեռքին: Սուլթանիզմի կամակատար փաշաներն ու քոչվոր վաշկատուն քրդական վերնախավը. «...ջուրի տեղ արյուն կիմեն, հացի տեղ մարդու միս կուտեն, անկողնի տեղ արյունալի դիակներու վրա կպառկին և ժողովուրդն որ կսպասե, ինչպես կսպասեն գառնուկները սպանդարանին դուռն, այս գառնուկներուն շափ չկան, որ քանի դահիճին մերկ ու շողուն դանակը տեսնեն՝ աչքերնին կդառնա, կցատկրտեն, կգալարին և մարդու դեմքով ներկայացող անբնական մահվան դեմ խերկելով՝ կմաքառին...»³:

Հրապարակախոսը «Հայկական նամականի» աշխատության և «Արևելյան մամուլ» պարբերականի մեջ բազմաթիվ էջեր է հատկացնում սուլթանական կառավարության լծի տակ հեծող հայ ժողովրդի քաղաքական իրավազուրկ վիճակի նկարագրությանը: Մամուլյանը Թուրքական գրաքննչական պալմաններում մերկացնելով Թուրքիայի ազգահալած քաղաքականությունը, ցույց տալով հայերի, հույների, քրիստոնյա մյուս ժողովուրդների ազատագրական պայքարի ուղիները, աչքաթող չի անում ռուսական ցարիզմի քննադատությունը:

Ցարական Ռուսաստանի դեմ հրապարակախոսի՝ Մամուլյանի կողմից մղած գաղափարական պայքարը ցայտուն կերպով արտահայտվել է հակասություններով ու իրարամերժ տեսակետներով լի «Սև լեռին մարդը» վիպակում: Մ. Մամուլյանը այդ վիպակով քննադատում է ցարական Ռուսաստանը, նրա վարած արտաքին ու ներքին քաղաքականությունը:

Ճիշտ բացահայտելով ցարիզմի՝ Թուրքիայի դեմ վարած պատերազմների և այդ պատերազմներում հետապնդելիք ծրագրերի էությունը, Մ. Մամուլյանը չկարողացավ ճիշտ գնահատել նրանց հետևանքները: Նա չըմբռնեց, որ ցարիզմը ձգտելով տիրանալու Կոստանդնուպոլսին և նեղուցներին, Ռուսաստանին միացնելով Արևմտյան Հայաստանը, միաժամանակ արևմտահայությունը փրկում էր ֆիզիկական բնաջնջումից, որի հետևանքով նրա բախտը կապվում էր ռուս մեծ ժողովրդի բախտի, ապագա ռևոլյուցիոն շարժումների հետ:

Սխալվում էր հրապարակախոսը, քաղաքական ասպակողմնորոշման ենթարկում ժողովրդին, երբ հայերի միացումը Ռուսաստանին համարում էր

¹ Հայկական նամականի, էջ 8:

² Անդլիական նամականի, էջ 244—245:

³ Հայկական նամականի, ջլ 174:

սխալ և հույսը դնում էր սեփական ուժերի վրա, այն ժամանակ, երբ հայ ժողովուրդը միայնակ, երբեք էլ չէր կարող ազատագրվել ոչ սուլթանից և ոչ էլ ցարիզմի տիրապետությունից:

Քննադատելով ցարիզմը, այդ չէր նշանակում թե հրապարակախոսը անտեսում էր ռուս ժողովրդի՝ հայերի և քրիստոնյա մյուս ժողովուրդների նկատմամբ կատարած պրոգրեսիվ դերը: Նա ժամանակին նկատեց և կռահեց Ռուսաստանում կատարվելիք ռևոլյուցիայի մասին, որը փայլուն ապագա կստեղծեր ոչ միայն ռուսների, այլև նրա կազմում մտնող մյուս բոլոր ժողովուրդների համար: Այդ ռևոլյուցիայից հետո կստեղծվեր նոր Ռուսաստան, որի կազմի մեջ մտնող ժողովուրդները ինքնուրույնությամբ պետք է կառավարեին իրենց հատուկ շահերը: Այդ ժողովուրդները ընդհանուր դաշինքով կմտնեին մեկ պետության մեջ և կստեղծվեր «դաշնակցած Ռուսիա»: «Եթե այս ժողովրդային հեղաշրջումը չիրականացնե՞ր, — դրո՞ւմ էր Մամուրյանը, — քաղաքականը պիտի գա անվերջ և Ռուսիան պիտի ավելի ունենա, պառակտվի: Կրգուշակեմ արդեն այդ հեղափոխությունն պայմաններ... զեք ապագային մեջ կրեւակայեմ նոր Ռուսիա մը, չէ՞ քեզատ-զատ տերութիւններու բաժանված զատ-զատ կառավարությանց ներքե, այլ դաշնակցած Ռուսիա մը՝ ամեն հարստական կապերէ ազատ՝ որու այլադեմ ու այլասեռ ժողովուրդները ինքնօրինությամբ պիտի վարեն կառավարեն իրենց հատուկ շահերն տարբեր օրինաց ու սովորությանց ներքե»¹:

Սակայն ըստ Մամուրյանի հայերը չպետք է սպասեն այդ «փրկավետ ապագային», այլ պետք է զենքի դիմեն և զինված ապստամբության միջոցով խորտակեն սուլթանիզմի տիրապետությունը և իրենց համար ստեղծեն քաղաքական ազատություն: Մամուրյանը ուղղակի զինված ապստամբության մարտակոչ է նետում հայ ժողովրդին: Նա գիտակցում է, որ կռվում կարող է կամ հաղթել կամ մեռնել, բայց մեռնել ոչ թէ փախուստի ժամանակ կոնակից վիրավորվելով, այլ դեմ առ դեմ կռվելով, ճակտից վիրավորվելով: Մամուրյանը կոչ էր անում հայերին ազատագրական պայքարի օրինակներ ցույց տալ թուրքիայի լծի տակ գտնվող մյուս ժողովուրդներին:

«Այն, որ անգամ մը ճշմարտության վահանը կուրծքը դրած ասպարեզ կրնետվի՝ պետք է որ կամ հաղթէ կամ մեռնի: Եթէ հաղթությունը զժվարին է արդի նախապաշարմանց ապառաժին դեմ և մոլությանց տղմին մեջ, պետք է մեռնի: Մեռնիլ՝ չէ՞ քե կոնակե վերք առնելով այլ ճակտե (ընդգծումները մերն են—Հ. Ղ.): Ինչպես հալատին՝ այնպես սկզբունք մը նահատակելով կվերածնի, և եթե այս ճշմարտությունն արյան գնով իրենց ընկերական և քաղաքական իրավունքները ձեռք ձգող ազդերուն հայտնի անգամ չլինեն, հայերը պետք էին քարոզել զայն անոնց, քանի որ իրենց հավատքին կենդանի նահատակներն են և դարե դար անոր շնչով կվերածնին»²:

Սուլթանական բռնության դեմ բողոքի և ապստամբության կոչով, Մամուրյանը դիմում է իր ազգակիցներին, գրելով.

«Բողոքե այս բռնության դեմ, այսպես է աշխարհը, կուգոռան, ապստամբե, և իսկույն սուտին թեկն կհասնի զենքը, ու ապստամբ կիյնա»³:

Մամուրյանը իրավամբ բարձր է գնահատում հայրենի ազատության համար մարտնչող հերոսների արժանիքները, որոնցից ամեն մեկը տոգորված իր

¹ Մ. Մամուրյան, Սև լեռին մարդը, Աթենք, 1932, էջ 165-166:

² Պրուլո, հայկական նամականի, էջ 80:

³ Մ. Մամուրյան, Անգլիական նամականի, էջ 68:

արդար գործի հաղթանակի վառ հույսերով «տասը վարձկան ղինվոր կարժեն, ղինվորներ, որոնք անիրավ դատի և շահու համար միայն ասպարեզ կիջնեն»¹։

Հայրենասեր ղինվորները եթե վրեժխնդիր լինեն թշնամու նկատմամբ և սուրը ձեռքին պայքարեն նրա դեմ, ապա կկարողանան տապալել Հայաստանի վրա ծանրացած օտարի դարավոր տիրապետությունը։

Նա իր հերոսներից մեկին «Վրեժ» է անվանում, մյուսին «Սուր», վստահ լինելով, որ եթե «Վրեժն ու Սուրն, ամեն հայու հոգին թափանցեն ու բազուկը ղինեն, Հայաստանի դարերու աղետքը կջնջվի»²։

«Սև լեռին մարդը» վեպի հերոսներից Աստուծին ուղղված Դերենիկի հարցադրմանը՝ թե «Մեր հայրենիքը եթե ետ պահանջենք շեն տա օտարները» Մամուրյանը պատասխանում է՝ «կտան»։ «Այո՛, սուր ի ձեռին, Դերենիկ, հորդ պես։ Յետկար ու պատմական փաստ շատ հին են և իրավունք մը են կազմեր, բայց սուրը միշտ սուր է»³։

Մամուրյանը հայ ժողովրդի ազատագրման հարցը կապում էր ամբողջ աշխարհի ժողովուրդների ազատագրական պայքարի հետ։ Նրա կարծիքով եթե մի օր բոլոր այդ ժողովուրդները միասնաբար հանդես գան իրենց կառավարությունների դեմ, «մի միայն պատմության և հնության իրավամբ իրենց երկիրներն ու թագը պահանջեն, ինչպես որ դու կպահանջես Հայաստանինը, երևակայե միանգամ թե երկրագունդիս ո՞ր մասին մեջ այժմու տերության մը պիտի կարենար կանգուն մնալ և ըսել, «Այս իմ օրինավոր զուտ սեփականությունս է, իմ բնական իրավունքս է»։ Գրեթե ամենքը հաջորդական անիրավությանց և բռնությանց աշխարհակալության արդյունք են և միակ շարունակությամբ տիրապետության իրավունք մը ստացած են, իրավունք մը, որուն հիմը ստեպ սուրի ծայրին եղած է քան արդարությանը...»⁴։

«Այս ալեկոծության» ժամանակ հրապարակախոսը երազում էր տեսնել ազատագրված Հայաստան, արյունակիցների ազատ, համերաշխ գործունեություն, հայրենիքի ծաղկում ու բարգավաճում։

Այսպիսով, Մամուրյանը 1860—1870-ական թվականների սկզբին ղինված ապստամբության միջոցով էր լուծում հայ ժողովրդի ազատագրման պրոբլեմը։

Ազատագրական շարժման մասին իր հայացքներով Մամուրյանը կանգնած էր 19-րդ դարի ազգային-ազատագրական շարժման գաղափարախոսների ու գործիչների դիրքերի վրա, որոնց հիմքը կազմում էին 18-րդ դարի ֆրանսիական լուսավորիչների սահմանադրական հայացքները⁵։ Մամուրյանը համակրելով Ռուսսոյի, Սեն-Սիմոնի, Շարլ Գյուրեի հայացքները, առաջ է անցնում նրանցից և ապստամբությունն է համարում այն զորեղ միջոցը, որը կկարողանար մարդկությանը ազատել ֆեոդալական կապանքներից։

«Կսիրեի ազատություն, կատեի իշխանական թագ ու գավաղան։ Շարունակ միտքս կհուղեին ընկերական խնդիրներ։ Ռուսսո, Հյում, Պենտահմ Ս.-Սիմոն, Գյուրեի և ուրիշների ընկերահաշտական հեղինակներին գործերը կարդացեր

¹ Մ. Մամուրյան, Անդրկական նամականի, էջ 220։

² «Արեւելյան մամուլ», մայիս, 1876. համեմատիր Սև լեռին մարդը, էջ 231։

³ Նույն տեղում, էջ 50։

⁴ Նույն տեղում, էջ 52։

⁵ Տե՛ս Ա. Հովհաննիսյան. Նայրանդյանը և նրա ժամանակը, հատ. I, էջ 540։

լափեր էի, սակայն, ինչպես ամեն ուսանող, ես ալ ժողովրդոց անկախության, բարօրության, արդարության հաղթանակը կերագեի:

Կդիտեի որ Եվրոպայի քաղաքականությունը կոչվածն, հարստությունն ու երջանկությունը միայն դաս մը մարդիկ կը վայելեն, իսկ մյուսները թշվառ ստրուկներ են, որ ոչ միայն կրթութեամբ, այլ ապստամբութեամբ պիտի վերածնին և իրենց շղթաները քակելու պիտի հաջողին»¹ (ընդգծումները մերն են — Հ. Ղ.):

Մամուլայինը դմալանքով է խոսում Իտալիայի ազատարարներ Մադաձինիի ու Գարիբալդու մասին, որոնք պայքարի դրոշ րարձրացրին ոչ միայն իտալական «մանր-մունր իշխանությունների դեմ», այլև զինված ապստամբություն բարձրացրին եվրոպական գահակալների դեմ, գաղտնի ընկերություններ հիմնեցին և «ազատության ու անկախության ոգին գործավորներու մեջ սփռել կջանային»²:

Սակայն «ընկերական սկզբունքներ» ունենալը, գաղափարներ ու ծրագրեր մշակելը դեռևս բավական չէր, այլ հարկավոր էր այն գործադրության մեջ դնել: Հրապարակախոսը խոստանում է, որ իրենից առաջ եղել են բազմաթիվ գործիչներ, որոնք քննադատել են տիրող անարդար կարգերը, պայքարել են «կղերին փառամոլության ու տիրապետության դեմ, բռնապետական իշխանությանը դեմ, ազնվականաց լրբության դեմ, դրամագլխի անիրավության դեմ, մեկ խոսքով անթիվ ընկերային (սոցիալական — Հ. Ղ.) ղեղձման դեմ և այս դարավոր շարիքը ջնջելու համար զանազան միջոցներ կխորհէին»³:

Եվրոպայում գործնական քայլեր և պայքարի օրինակ է ցուցաբերում Ֆրանսիան, որը խորտակելով թագավորական գահը, չկարողացավ վերացնել բռնությունը, դրանով իսկ Մամուլայինը ցույց է տալիս, որ բուրժուական ռեսպուբլիկական իրեն չի բավարարում⁴:

Մամուլայինի ծրագրած ազատագրական պայքարը պետք է ընթանար Ֆրանկլինի, Վաշինգտոնի, Գարիբալդու նշած ուղիով:

19-րդ դարի ազատագրական շարժումները խորը կնիք էին դրել Մամուլայինի հայացքների վրա. դրա ապացույցն այն է, որ հրապարակախոսը բոլոր հարցերի լուծման ժամանակ դիմում է վերջիններիս օգնությանը և նրանց անունից սպառնալիք կարդում ֆեոդալական իշխանավորներին:

Մամուլայինի երազած «նորահաս պատանի» ազատությունը ոչ կրոնական ավետարանն էր և ոչ էլ նապոլեոնի հրաշեկ ումբը, այլ Սոկրատի լեղի բաժակը, նազովրեցիին խաղը, Վարդանա արյունը, Պրուտոսի դաշույնը, Բելի նեաը, Տանդոնի որոտընդոստ ձայնը, Ֆրանկլինի գրիչը, Վաշինկթընի և Կարիպալտիի դրոշակն... և ո՞ր մեկն ըսեմ»: Իտալական և ամերիկյան ազատագրական շարժման մասնակիցները Գարիբալդու և Վաշինգտոնի ղեկավարությամբ «քաղաքական փոթորիկներ կհուզեն և թնդանոթի վրա կոթնած տերություններն անգամ կտապալեն...: Վայ այն իշխանության, որ այս հեղեղատին դեմ թումր կկանգնե»⁵:

Մամուլայինը բարձր գնահատելով պատմական անցյալում եղած ազատա-

¹ Լինգլիական նամականի, էջ 117 և հետո:

² Նույն տեղում, էջ 118:

³ Նույն տեղում:

⁴ Հայկական նամականի, էջ 153:

⁵ Նույն տեղում:

գրական շարժման ղեկավարներին, չի տարվում նրանցով և փոխադրում տվյալ շրջանը: Նա իրավամբ գիտակցում է, որ մարդիկ ժամանակաշրջանի ծնունդ են: «Ուստի այս գարուս մեջ Դել մը, Ֆրանքլին մը, Վաշինկթոն մը պետք է լինի, որպեսզի մեծությունը պահեն»¹:

Մամուլյանը համակրելով 19-րդ դարի 60-ական թվականների եվրոպական ու ամերիկյան ազգային ազատագրական շարժումները, կտրուկ կերպով մերժում է օտար պետութայնների միջամտութայնը հայ ժողովրդի ազատագրութայն պայքարի գործին:

Հայ ժողովրդի ազատագրման գործին, ըստ Մամուլյանի, պետք է մասնակցեն ոչ թե հատ ու կենտ անհատներ, այլ հիմնադրվելիք գաղտնի ընկերութայնների մասնակից հանդիսացող, ազգի ազատութայն համար նահատակներ գրվող, հազարավոր աշխատավորներ, դրանց թվում և գյուղացիներ, և բանավորներ:

Ազգային ազատագրական ու սոցիալական պայքարի ասպարեզում հարելով բուրժուական-դեմոկրատիային, Մամուլյանը համառ պայքար ծավալեց ֆեոդալիզմի ու նրա պաշտպան հանդիսացող կղերա-ամիրայական դասակարգի պահպանողական իդեոլոգիայի դեմ:

«Հայկական նամականի» աշխատութայն մեջ Ստենտորի դիմակի տակ թաքնված Չամուռճյանը անարգանքի սյունին է գամվում հրապարակախոսի կողմից:

Մամուլյանը Չամուռճյանի «Երևակը» համարում է «Մուրաբան հրեշ», որի հիմնական պաշտոնն է «Իժի լեզվով» և «կրոնավորի կրքոտութայմբ» վերադարձնել մարդկանց, հավատաքննութայն խարույկների դատապարտել և առաջավոր իդեանների պաշտպանների դիակներն այրելով՝ ամփոփել ամենախորը տեղերում «վասնզի, — դրում է Չամուռճյանը, — կարող են կայծեր արձակելու իրենցեն և ամբողջ աշխարհը վառել հեղափոխութայն կրակով»²:

«Բարեգործական»-ի անդամ Մատթևոս Մամուլյանը անշուշտ ծանոթ էր Միքայել Նալբանդյանի հետ, համակրում էր նրա հայացքները, չնայած, որ տնտեսական խնդրի լուծման կապակցութայմբ չկարողացավ կանգնել նալբանդյանական պլատֆորմայի վրա: Նա միայն հերկում էր այն հողը, որի վրա պետք է սերմանվեր նալբանդյանի «Երկրագործութայն» սերմերը»³:

Նալբանդյանի համակրման օգտին կարող է խոսել նաև այն փաստը, որ Մամուլյանը վերջինիս պաշտպանութայմբ էր քննադատում Չամուռճյանի «դիվապաշտական ոգին»⁴:

Մամուլյանը արևմտահայ 60—70-ական թվականների գործիչներից միակերն էր, որ կարողացավ նկատել Չամուռճյանի վաճառվածութայնը երկու իրար թշնամի թուրքական և ռուսական կառավարութայններին, միաժամանակ՝ փողի, շահի դրդումից իր դրիշը նվիրելով և մեկին, և մյուսին:

¹ Անգլիական նամականի, էջ 20—21:

² Հայկական նամականի, էջ 175:

³ Մանրամասն տե՛ս Ա. Հովհաննիսյան, Նալբանդյանը և նրա ժամանակը, հատ. 1, էջ 488—493: Մ. Նալբանդյանի և Մ. Մամուլյանի գաղափարական և պրակտիկ կապերին մենք չենք անդրադառնում, քանի որ այդ հարցը քննարկվում է Ա. Գ. Հովհաննիսյանի վերոհիշյալ, երկուհատորանոց, ստվարածավալ աշխատութայն տարրեր բաժիններում:

⁴ Տե՛ս Հայկական նամականի, էջ 101:

Չամուռնյանը «Բրավախոհի» հատորները տպագրելով Պոլսի ռուսաց դեսպանից ստացված փողով, նույն պահին ամբաստանում էր սուլթանիզմի դեմ պայքարող հայ դեմոկրատական երիտասարդությանը, «որևէ շարժում կամ հակում մ'որ այս իշխանության ներհակ կգտնե ապստամբական ցույց կհամարի և իսկույն անոր դեմ այնքան կգոռա, որ ձայնը տերության ականջ կհասնի»¹:

Նա քարոզում էր կույր հնազանդություն արտաքին և ներքին թշնամու առաջ, «սրբությամբ» պաշտպանելով ավետարանի «խրատը բառ առ բառ»:

Չամուռնյանը «կհորդորէ,— գրում է Մամուրյանը,— երբ քյուրդը հայուն մեկ ոչխարը գողանա, հանե իր կովն ալ տա, երբ կինը անպատվե, հանե աղջիկն ալ ընծայե, երբ գլուխը կտրեն՝ կտրող ձեռքը համբուրե հավատարմություն, անսասան անձնուրացություն առ մեծն, առ զորավորն, այս է ահա իր քարոզն, թե տան, թե եկեղեցու, թե ժողովի մեջ»²: Քննադատելով Չամուռնյանին Մամուրյանը ի նկատի ուներ ոչ թե սոսկ անձնավորությանը, այլ ռեակցիոն-պահպանողական հոսանքի ղեկավարին, որի կուսակիցների մասին գրում է. «Եվ այս դասուն բերանն էր աստվածաբան Խրեակն և ծանծաղամիտ Արևելյան դարը», որոնք միասնաբար, կրոնի պաշտպանության քողով խաչակրած արաշվանքի էին դուրս եկել նալբանդյանի ու նրա հետևորդների դեմ:

Քննադատելով կղերա-ֆեոդալական հոսանքի պարագլուխներին, Մամուրյանի ուշադրությունից չվրիպեցին կրոնն ու կրոնավորները: Չհամակրելով ֆրանսիական մատերիալիստների հայացքները, հրապարակախոսը հիմնականում մնաց իդեալիզմի դիրքերում, որը չխանգարեց նրան քննադատելու կրոնն ու նրա պաշտոնյաներին, մերկացնելու նրանց ռեակցիոն էությունը:

«Կրոնի վրա իմ համոզումս գիտես,— գրում է Մամուրյանը,— Հենակ մե այն մարդկային տկարության և գործիք մը կառավարության ձեռքը: Պարզամտության ու երկյուղի ծնունդ, ավանդությամբ մարմին ու կերպարն ստացավ և կեղծավորություն ու շահամոլություն զայն նվիրագործեցին: Գրոնի հին ու նոր պատմությունը մարդկային երևակայության ու կրից պատկերն է և իր սոսկալի աղետից նկարագիրն ու հետադիմության գրգիռ: Անմահություն քարոզեց և մարդիկ մահացուց, արքայություն խոստացավ և ասդին անդին դժոխք դարձուց, հավատարմություն ու հավասարություն հռչակեց և ստրկության շղթաներ դարբնեց, լույս ու խաղաղություն ավետեց մեզ և խավար ու խռովություն սփռեց:

Բաց պատմություն ու կարգա այն աստվածաբանական վեճերն ու կռիվները, որ բոլոր նվրոպան արյունլիվա ըրին և անթիվ մարդկային զոհեր քրիստոսի խորանին առջև մատուցին»³:

Հատկանշականն այն է, որ Մամուրյանը կրոնի քննադատության հարցում դուրս չի գալիս նեղ լուսավորչական եկեղեցու պաշտպանության կամ նրա քննադատության դիրքերից, այլ ելնելով ազատագրական պայքարի և ժողովուրդների իրավունքների պաշտպանության դիրքերից քննադատում է կրոնն ու եկեղեցին ընդհանրապես:

Մ. Մամուրյանը քննադատելով եկեղեցին և եկեղեցականների գործունեությունը, չէր հանգում վերջինիս ժխտմանը, այլ պահանջում էր ռեֆորմի են-

¹ Հայկական նամականի, էջ 203:

² Նույն տեղում, էջ 203:

³ Անգլիական նամականի, էջ 139:

թարկել այն, վերացնել ֆեոդալական միջնադարից ժառանգած կրոնական օրենքները և ստեղծել նոր ընդհանրական եկեղեցի, որը ընդունակ կլինի նպաստելու ազգի ազատության, առաջադիմության և օլոսավորության գործին:

1860—1863 թթ. Պոլսում «Ազգային սահմանադրության» համար ծավալված պայքարի առաջամարտիկներից մեկն էր Մ. Մամուրյանը, որը կարողացավ վերլուծել տարբեր խմբերի ու հոսանքների վերաբերմունքը դեպի սահմանադրությունը:

Ռեակցիոն կղերա-ֆեոդալական հոսանքի ներկայացուցիչները ձգտում էին կամ բոլորովին արգելել սահմանադրությունը, կամ լավագույն դեպքում հաստատել, բայց շատ պարզ կառուցվածքով, նշանակելով ցմահ պատրիարք, որը ամիրաններից ստեղծված ծերակույտի օգնությամբ կկառավարեր ազգի ներքին գործերը՝ հաշվետու լինելով «միայն աստծո առջև»:

Լիբերալ սահմանադրականները սահմանադրությամբ ուզում էին ստեղծել ազգային կրոնական ու քաղաքական ժողովներ, որոնց մեջ աշխարհականները մեծամասնություն կազմելով կկառավարեին ազգի ներքին գործերը, հաշվետու լինելով իրենց ընտրողների, այսինքն «ժողովրդի առջև»: Լիբերալները դրանով իսկ պաշտպանում էին միայն նորելուկ բուրժուազիայի շահերը և նրա համար, ի հակակշիռ ամիրայության, տեղ էին նվաճում ազգային գործերի կառավարման ասպարեզում¹:

Մամուրյանը հակադրվում է այս երկու հոսանքին պատկանող գործիչների առաջարկներին և ելնելով դեմոկրատիայի պահանջներից գրում է.

«Ռամիկը կրսեր, — դարերե ի վեր գերության և թշվառության լուծը կճնշե վիզս, ոչ հաց ունիմ, ոչ լույս, ոչ սիրտ: Կրոնականը հոգիս ու քսակս կքամե, իշխանը գլուխս կճզմե և ես կրկնակի ստրուկ դարձած եմ և կամք չունիմ և ոչ կարողություն իմ տնական և ազգային գործերս տնօրինելու: Սահմանադրությունը մեր բոլոր ցավերուն դարմանը պիտի լինի, մեզի առատություն, բարօրություն և երջանկություն պիտի բերե, և ուղղակի եղեմական դրախտ պիտի տանե:

Եվ ուամիկը հույսեր ունեւ և ոչ հրապարակական գործ և բերան»:

Մամուրյանի այս հույսերը կապվում էին 1860 թ. սահմանադրության հետ: 1863 թ. սահմանադրության վերահրատարակումից հետո ազատախոս հեղինակը ղգաց սահմանադրական պատրանքները և սկսեց քննադատության ենթարկել «Մասիս» պարբերականին և նրա շուրջը համախմբված լիբերալ սահմանադրականներին: 1863 թ. հետո «...երբ սահմանադրասեր հայը կտեսնեմ այժմ, — գրում է Մամուրյանը, — կհիշեմ այն մուրացկանին, որ մեղրի գոց ամանին վրա հաց կքսեր կուտեր, և կկարծեր, թե մեղր է կերած... և հյուծը ձեռք ձգելու անկարող, անոր հոտով կկշտանար»²:

Ժողովուրդը դուրս եկավ սահմանադրությունը պաշտպանելու, սակայն երբ տեսավ, որ իր վրա բարդում են «անլուր գրպարտանքներ, դեպի Ունքյաղ Իսկիլեսի կատարած տոնական հանդեսը, որպես «...ապստամբության հանդես կներկայացնե տերության առջև: Երբ տեսանք, որ նույնիսկ սահմանադրության հեղինակները իրենց պաշտոնական դիրքերը փոխելով փոխած են նաև իրենց հա-

¹ Անգլիական նամականի, էջ 124:

² Հայկական նամականի, էջ 158—159:

³ Նույն տեղում, էջ 145:

մոզումն»¹, տեսավ որ ինքը հուսախաբիված է, թողեց և հեռացավ սահմանադրական պայքարի թատերաբեմից։

Մամուլյանը սահմանադրականներից հեռացող բազմության մեջ առաջիններից էր, որ սկսեց քննադատել կրոնական ու քաղաքական ժողովների անգործունյա վարքագիծը, պահանջելով գոնե սահմանադրության այդ շնչին հոգիվածների կիրառումը, գրելով. «...ես այս սահմանադրությունեն բան մը չհասկցա»²։

Պախարակելով «Մասիս» լիբերալ պարբերականը և նրա «Բարեկամ»՝ սահմանադրության վերաքննված տեքստի հեղինակներին, գրում է. «Միթե Պոլսի հայը սահմանադրությունը՝ սիրտի մեջ բերե, զոր հանուն ազդին շինեց, տպեց և ծոցը դրավ»³։

1863 թ. հետո ազգային կենտրոնական վարչության, ազգային հիվանդանոցի և սահմանադրությամբ ստեղծված բոլոր հիմնարկների ու նրանց ղեկավար գործիչների դեմ Մամուլյանի պայքարը, իր հիմքում ունենալով ազատագրական պայքարի գաղափարը։ Զեյթունի և Վասպուրականի ապստամբություններից հետո, երբ «Սահմանադրական» վերոհիշյալ հիմնարկությունները պատրիարքարանի ղեկավարությամբ լուծության հետ միասին կույր հնազանդություն ցուցաբերեցին սուլթանական կառավարության առջև, Մամուլյանը վրդովված սկսեց քննադատական ու պախարակիչ հոդվածներ տպել սրանց դեմ։

Մամուլյանը պայքարելով կոմպրոմիսային բուրժուազիայի իդեոլոգ Յուլյուսյանի և նրա «Մասիս» պարբերաթերթի շուրջը խմբված շափավոր լիբերալների դեմ, չէր դադարում պայքարելուց մյուս լիբերալ գործիչներ Սերվիշեի, Նար-Պեյի, Նույնիսկ դեմոկրատիզմից դեպի լիբերալիզմ գնացող գոկտոր Շիշմանյանի դեմ, որոնց դիմաստվերները երևում են «Հայկական նամականի» աշխատության էջերում։

Մամուլյանը քննադատում է արևմտահայ 60-ական թվականների լիբերալների գործունեությունը, ցույց տալիս նրանց շրջադարձը պրոգրեսիվ դիրքերից դեպի ռեակցիան և իր բողոքի ձայնն է բարձրացնում Նալբանդյանի բանտարկության կասկակցությամբ։

Նալբանդյանի պաշտպանությամբ քննադատելով լիբերալներին, Մամուլյանը մերժում էր նրանց եվրոպական օրինենտացիան և հենվելով ազգության ներքին ուժերի վրա, նրա ազատագրման հույսը կապում էր զենքի ուժի հետ։

«Արևելյան մամուլ» պարբերականում, տպագրելով Ծերենցի պատասխան հոդվածը «Մշակ»-ում տպագրված Մելիքզադեի (Րաֆֆու) հոդվածի դեմ, անում է ուշադրության արժանի մի վերապահում։

Երբեմնի դեմոկրատ, բայց 70-ական թվականներին դեպի լիբերալիզմ ընթացող, Ծերենցը հակադրվելով Րաֆֆու և Արծրունու ապստամբական կոչերին, գրում է. «Մենք կուզենն, որ ամեն հեղափոխություն վերեն զա և ոչ վարեն (ընդգծումները մերն են — Հ. Ղ.), վարեն եկած հեղափոխությունը (թե որ հաջողվի ալ) այնչափ աղետք, այնչափ թշվառություն ունին և այնչափ արյունների առիթ կլինին և հայ ազգն այնչափ քիչ արյուն ունի յուր երակներուն մեջ, որ իր կարողությունեն վեր է այդ մասին շուայլ լինել. և ընդհակառակն, վերեն

¹ Հայկական նամականի, էջ 161։

² Նույն տեղում, էջ 34։

³ Նույն տեղում, էջ 28։

Լկած հեղափոխությունը միշտ հաստատ են և երբեք այն արյանց դիներով չեն լինիլ»¹:

Մերենցի այս ակնհայտ ռեֆորմիստական տողերի դեմ Մամուրյանը գրում է հետևյալ խմբագրական ծանոթագրությունը. «Ներվի մեզ ըսել, որ այս մասին Մեծն նամակագրին հետ տարակարծիք կգտնվինք: Այդ դրությունն ամեն տեղի ու պարագայի չկրնար հատկանալ»²:

Այսպիսով, Մամուրյանի պայքարը Սերվիլի, Նար-Պեյի և Նույնիսկ Շիշմանյանի ռեֆորմիստական տեսակետների դեմ, ցույց են տալիս նրան որպես լիբերալիզմի քննադատ:

Դեմոկրատ հրապարակախոսը անդրադարձել է նաև կանանց լուսավորության և ազատագրության խնդրին: Նրա մոտ հայ կնոջ ազատագրման հարցը միահյուսվում է ընդհանուր ժողովրդի քաղաքական ազատագրմանը և առաջադրվում այնպիսի արմատական տեսակետներ, որոնք ուղղակի համընկնում էին հայ ռևոլյուցիոն դեմոկրատիայի դափնեկիր Մ. Նալբանդյանի հայացքներին:

Մամուրյանը բողոքում է հայ կնոջ իրավունքը բռնաբարողների դեմ, պայքարում է «ասօրիների և բռնի ամուսնություններ» քարոզողների դեմ և պահանջում է փոխադարձ սիրո և համակրության վրա հիմնված ամուսնական ընտանիք ստեղծել: Նա կնոջ բերանով հայտարարում է.

«Այս վիճակը չկրնար հարատևել, և եթե այսօր անձ մը կապատամբի բացե ի բաց անոր դեմ, քանիներ կհեծեն բանտի մեջ և առիթի մը կսպասեն որ ընդհանուր բողոք մը բառնան ամուսնական բռնության մը դեմ, որու հարակից են անհավատարմություն, բաժանում, մոլություն, մեր դատաստանական ատեանները մեծ մասամբ վրադեցնող խնդիրներ»³:

Հրապարակախոսը կանանց բերանով խարաղանում է այն ամուսնական կապերը, որոնք հենված են ոսկու և հարստության հիմքերի վրա, համալրելով դրանք իր դավանանքին դեմ, քանի որ փողով են ցանկանում «իմ ազատությունս գնել»⁴:

Համեմատություն անցկացնելով Արևելքի և Արևմուտքի կանանց բարքերի մեջ, առաջնությունը տալիս է առաջիններին, որոնց հոգու մեջ դեռևս չի սերմանվել «քաղաքակրթության ախտը» և կարող են «հավատարիմ սիրահարներ, առաքինի մայրեր, «ընտանեասեր տիկիներ» լինել, որտեղ «սերը բնական է և թե սիրույց հոգիներ իրարմե չեն դատվիր»⁵:

Պայքարելով եվրոպայից արևելք ներթափանցող կեղծ քաղաքակրթության դեմ, հակառակ լինելով կանանց պճնվելուն, ավելորդ ֆրանսամոլությանը, որը այդ ժամանակ խիստ տարածված էր Ռուսթիայում, Մամուրյանը առաջ է քաշում կնոջ դաստիարակության հարցը:

Դաստիարակված լուսավորյալ կինը ավելի սուսքինի և հասարակության համար պիտանի մայր կարող է լինել, քան «ան տղջիկը որ կղպակի ու շրղ-

¹ «Արևելյան մամուլ», 1876, էջ 349—350:

² Նույն տեղում, էջ 350: Տե՛ս նաև Վ. Պարսամյան «Հայկական հարցի դարդացման պատմական ուղիները մինչև Բեռլինի կոնգրեսը», Հայկական ՍՍՌ ԳԱ «Տեղեկագիր», № 11—12, 1944, էջ 54:

³ Անդլիական նամականի, էջ 286:

⁴ Նույն տեղում, էջ 27:

⁵ Նույն տեղում, էջ 28:

թայի տակ կմաշի, կփտի և մինչև անոր խավարին բույնը մոլորությանը կսպրդի շատ անգամ, և այն դյուրին ճարակ, միամիտ որս կգտնե»¹։

Մամուրյանը պայքարի է դուրս բերում հայ կնոջը, իր իրավունքները պաշտպանելու համար, որին պետք է օգնեն «արդարասեր գրիչներ» «և եթե անոնք ալ չօգնեն, բացեիքաց մեր ամուսիններուն զազրալի ընթացքին դեմ պետք եղած տեղը պիտի բողոքենք և մեր գլխին ճարը պիտի նայինք. որովհետև մեր տնային երջանկության հետ ազգային տունն ալ փլելու վրա է»²։

Կինը Մամուրյանի մոտ ոչ միայն գորովագութ մայր է, ազգի լուսավորության գործին նվիրված էակ, այլև կովոդ, արիասիրտ, ազատագրական պայքարի գրոշի տակ գրված մի զինվոր։

Այս աշխատությունների և վերոհիշյալ հարցերի շարադրանքը կատարվում էր արևմտահայ մշակված աշխարհաբար լեզվով, որի հաղթանակի համար մեծ գործ կատարեց մարտական հրապարակախոսը։

Այսպիսով, 19-րդ դարի 60—70-ական թվականներին արևմտահայ իրականության մեջ ազգային ազատագրական պայքարի, սոցիալական բողոքի արտահայտության, կրոնի, եկեղեցու, ազգային սահմանադրության, լեզվի, կանանց ազատագրության մասին արտահայտած իր տեսակետներով և պրակտիկ պայքարով Մամուրյանը կանգնեց դեմոկրատական ինտելիգենցիայի շարքերում, պայքարելով մի կողմից թուրքական արյունկղակ տիրապետության, մյուս կողմից՝ ներքին ռեակցիոն պահպանողականների և լիբերալ բուրժուական գաղափարախոսների դեմ։

1870-ական թվականների վերջերից Մ. Մամուրյանի հայացքների մեջ զգալի չափով նկատվում է հետընթաց շարժում, նա թողնում է իր ռադիկալ հայացքները և հարում ռեֆորմիզմին։

Ազատագրական շարժման երբեմնի մարտական գաղափարախոսը 1878 թ. ձեռք մեկնելով ազգային պահպանողական գործիչներին, գրում էր. «...Նախ հայն արյուն չունի՝ վասնզի արդեն շատ թափած է իր կրոնին և ազգայնության համար, չէ թե պատերազմի դաշտին վրա, այլ իր քաղաքին, իր գյուղին, իր տան մեջ, ատեն ատեն կրած հարձակումներուն պատճառով, սակայն հառաջանալու համար բաժանական կենսական ուժ ունի»³։

Մ. Մամուրյանը իր գործունեության երկրորդ շրջանում հրաժարվում է նախկին արմատական պահանջներից և հարում է լիբերալիզմին։

¹ Անդլիական նամականի, էջ 27։

² Հայկական նամականի, էջ 94։

³ «Արևելյան մամուլ», մայիս, 1878, էջ 19։